



KOMUNIKADO PA PRENSA

Fecha

5 di desèmber 2013

Account Manager

Jhanirha Anita

Email

jhanirha.anita@gobiernu.cw

Nr.

SERVISIO METEOROLÓGIKO RUMBO PA ADOPTÁ SISTEMA DI MANEHO DI KALIDAT

Willemstad - Resientemente, Servisio Meteorológiko Kòrsou, den kolaborashon ku servisio Meteorológiko di Canada, a traha riba un sistema di maneho di kalidat (quality management system) pa e servisionan ku Meteo ta duna na e sektor di Aviashon.

Organisashon Internashonal di Aviashon Sivil (ICAO) huntu ku Organisashon Mundial di Meteorologia (WMO) a palabra ku Servisio Meteorológiko, ku ta duna servisio na e sektor di Aviashon, lo mester garantisá kalidat den nan produktonan i di nan informashon. Esaki mester sosodé conforme e nivel internashonal di ISO 9001:2008.

Den kuadro di esaki, Meteo Kòrsou a kuminsá e trayekto pa deskribí su prosesonan. Despues di a kaba di deskribí e prosesonan, Meteo a kuminsá evaluá esnan ku ta relashoná spesifikamente ku e sektor di aviashon. Servisio Meteorológiko di Canada a duna su koperashon den esaki. Esakinan tabata sosodé na promé lugá via di korespondensha i via di 'video-conference'. Pa finalisá e fase aki di e trabou, e hefe di maneho di kalidat di e Servisio Meteorológiko di Canada a bini Kòrsou pa dos siman i huntu ku un tim di Meteo Kòrsou, a evaluá e prosesonan.

Banda di esaki, gran mayoria di empleado di Meteo a haña oportunidat di sigui un training tokante e balor di tin un sistema di kalidat pa Meteo. E training tabata tokante kon pa tene un oudit den un kompania i a keda duna na empleadonan di Meteo mes i tambe empleado di e Outoridat Marítimo di Kòrsou i di Kontròl Aéreo. Despues di e training, e grupo aki a hasi e oudit den Meteo, huntu ku e eksperto di Canada.

Den transkurso di otro aña lo sigui traha pa amplia e sistema di kalidat aki pa loke ta e prosesonan di trabou tokante servisio pa públiko i tambe pa e sektor marítimo. Di e forma aki, por alsa e kalidat di e servisionan di Meteo.

Servisio Meteorológiko di Kòrsou ta forma parti di Ministerio di Tráfiko, Transporte i Planifikashon Urbano i ta kai bou di responsabilidad di Minister Earl Alborda. Meteo ta e servisio di Gobièrnu ku ta responsabel pa vigilá wer, speshalmente pa e sektor di aviashon i e sektor marítimo.

Pueblo di Kòrsou por sigui tur e último desaroyonan di Minister Alborda di Tráfiko, Transporte i Planifikashon Urbano via di su página di facebook 'Earl W. Alborda, Minister VVRP'.